

鶴慶府志

第一至八卷

鶴慶府志

第一卷
至八

鶴慶縣志序

天地之正位曰君曰親人生之大
節曰忠曰孝古來忠臣不忘其君
孝子不忘其親皆此志為之也推
而及之類而舉之以及山川之文
物人民之風化非志不足以彰其

美非志不足以核其實故知志之
為功實有關於世道人心者誠大
矣哉余自奉縣志以志為心非
命來滇甫蒞茲土見夫若者為山之
高若者為水之深雖鶴郡留在極
邊而襟山帶河古蹟可考洵稱為

禮義之邦然徵之通志舉其綱或
遺其目載其統或棄其緒嗟呼何
名實之不相符也適有
代郡守佟公者於康熙甲午歲聘
斯郡之紳衿名儒以鵠郡錄成一
志因尚徵序於余余不揣敢以撰

武之臆見據著書之精意覽其全
部上自古今廢興沿革疆域山川
風俗之淳厚文章理學之淵源忠
孝節義仙釋可廢下逮風土物類
鳥獸草木備載可考未嘗不指而
目之曰美哉斯志足以佐

聖朝之內史所不逮者也余八載於
茲毫無善政素餐之誚所不免矣
年來世道日臻於化理人心漸摩
於禮義和衷相濟兵肅民安非終
公之端躬清化廉得輿情而孰能
若是哉其所以觀感而興者願諸

仁藏諸用鼓萬物而成不援之操
者未必不因是志而見功也

昔

康熙五十三年歲在甲午南呂月
上浣之吉鎮守雲南鶴慶麗江等

處地方控制土漢軍兵總兵官郝

偉榮亭甫拜撰

叙

漢元和間滇有龍馬白鳥之祥章

帝曰備置學校以遷其俗此滇文

獻之所繇始也當是時鶴郡初蒙

聲教碑在一隅上之欲得一家之

言討論得失而已無脩明典物之

書次之欲得一疏通知遠之士以
折衷是非又復無崇尚風雅之輩
以故世遠事湮而漢以後之事所
以多闕畧也迨明興太守馬柳泉
始用禹貢職方之意為志二卷然
初屬草創猶未集其大成至崇禎

時鄉先輩張懋敬史實齋諸公起
而增脩之言有物而事有程煌煌
乎一代之信史矣奈奸人惡其害
己陰燬其板遂使一方圖籍殘闕
失次無復節目之周詳甚之傳聞
異辭浸失經緯之本末而元明以

後之事所以多失真也夫鶴亦士
大夫之區也而事之闕畧失真若
此究未有起而修葺之者不誠闕
典哉幸今
別駕佟公博學高才來蒞府事政
理民安乃取郡志而更定之遠則

稽諸歷代史山海經汲冢周書以
明其疆域土貢之離合採說文通
典及晉常璩唐韋臯崔佐時之南
中錄中谿太史之通志畧以証其
經營廢置之因繇近取丁燕山之
通志全編以定用舍之時宜然後

張立題部分為二十有六門而以
天物之祖也地物之妣也故先之
以星野即次之以輿圖殫地殫天
端有賴乎區畫故繼之以建置即
次之以沿革區畫定則庶功興故
登之以以城廨賦役即次之以祀典

庶功興則日用有所改故進之以
風俗即次之以物產日用足則禦
侮備乏所當豫也故正之以秩官
即次之以軍政禦民有備矣牧民
有司矣而教不興則失性才不遠
則失人故重之以學校即次之以